



Broj: 13-05/1-04-5970/26
Sarajevo, 27.02.2026.godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", br. 12/03, 34/03 i 65/13), čl. 25. i 34. Zakona o ustanovama ("Službeni list Republike Bosne i Hercegovine", br. 6/92, 8/93 i 13/94), člana 115. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj: 38/14 – Prečišćeni tekst, 38/16, 44/17, 28/18, 52/21 i 40/22 i 13/25), člana 40c. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", br. 4/04, 29/09, 18/13 i 23/24) i Odluke o standardima i kriterijima za imenovanje na poziciju predsjednika i članova upravnog odbora i predsjednika i članova nadzornog odbora javnih ustanova iz oblasti rada, socijalne politike, raseljenih lica i izbjeglica Kantona Sarajevo ("Službene novine Kantona Sarajevo", br. 22/13, 51/15, 11/17 i 40/23), ministrica za rad, socijalnu politiku, raseljena lica i izbjeglice Kantona Sarajevo objavljuje

O G L A S

za imenovanje članova upravnog odbora javnih ustanova iz oblasti rada, socijalne politike, raseljenih lica i izbjeglica Kantona Sarajevo

I – Predmet oglasa

Oglašavaju se pozicije za imenovanje članova upravnog odbora javnih ustanova iz oblasti rada, socijalne politike, raseljenih lica i izbjeglica Kantona Sarajevo i to:

- **Kantonalna javna ustanova "Dom za socijalno zdravstveno zbrinjavanje osoba sa invaliditetom i drugih osoba"**
 - Član Upravnog odbora1
(Član Upravnog odbora imenuju se iz reda stručnih radnika zaposlenih u Ustanovi)
- **Javna ustanova "Služba za zapošljavanje Kantona Sarajevo" Sarajevo**
 - Član Upravnog odbora2
(Jedan član Upravnog odbora imenuje se iz reda stručnih radnika zaposlenih u Ustanovi)

II – Opis pozicije:

Upravni odbor obavlja poslove od značaja za oblast kojom se bavi javna ustanova, a koji se sastoje u donošenju pravila ustanove, imenovanju i razrješenju direktora, utvrđivanju planova rada i razvoja, utvrđivanju godišnjeg programa rada, donošenju finansijskog plana i usvajanju godišnjeg obračuna, donošenju općeg akta o unutrašnjoj organizaciji i sistematizaciji poslova i drugih općih akata u skladu sa zakonom i pravilima, odlučivanju o svim pitanjima obavljanja djelatnosti radi koje je ustanova osnovana ako zakonom nije određeno da o određenim pitanjima odlučuje drugi organ ustanove, usmjeravanju, kontrolisanju i ocjenjivanju rada direktora, rješavanju svih pitanja odnosa sa osnivačem, odlučivanju o korištenju sredstava preko iznosa utvrđenog pravilima ustanove, odgovornosti osnivaču za rezultate rada ustanove, podnošenju osnivaču najmanje jednom godišnje izvještaja o poslovanju ustanove i drugim poslovima u skladu sa zakonom i pravilima ustanove.

III - Način izbora, mandat i naknada za rad

Članove upravnog odbora imenuje Vlada Kantona Sarajevo na osnovu prijedloga ministricе za rad, socijalnu politiku, raseljena lica i izbjeglice Kantona Sarajevo.

Mandat člana upravnog odbora iz reda stručnih radnika zaposlenih u Kantonalnoj javnoj ustanovi "Dom za socijalno zdravstveno zbrinjavanje osoba sa invaliditetom i drugih osoba" traje do isteka mandata već imenovanog upravnog odbora.

Mandat članova upravnog odbora Javne ustanove "Služba za zapošljavanje Kantona Sarajevo" Sarajevo traje do isteka mandata već imenovanog upravnog odbora.

Visina mjesečne naknade za rad članova upravnog odbora javnih ustanova utvrđena je u skladu s Uredbom o određivanju visine plaća i naknada organa upravljanja i drugih organa i institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo („Službene novine Kantona Sarajevo“, br. 41/16, 46/16 – ispravka, 5/17, 50/17, 53/18 i 42/20).

IV – Opći uslovi za nominaciju/imenovanje

Kandidat za imenovanje mora ispunjavati slijedeće opće uslove:

- a) da je stariji od 18 godina,
- b) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 (tri) godine prije dana objavljivanja upražnjene pozicije,
- c) da se na njega ne odnosi član IX.1. Ustava Bosne i Hercegovine.

Pored navedenih općih uslova, kandidat koji se prijavljuje na Oglas mora ispunjavati i slijedeće posebne uslove:

- a) da je državljanin Bosne i Hercegovine,
- b) da nije osuđivan za krivično djelo koje je nespojivo sa obavljanjem dužnosti člana upravnog odbora javne ustanove,
- c) da nije osuđivan za prekršaj koji je nespojiv sa obavljanjem dužnosti člana upravnog odbora javne ustanove,
- d) da ima završen VII stepen stručne spreme, odnosno završen najmanje prvi ciklus bolonjskog studija visokog obrazovanja u trajanju od najmanje tri studijske godine sa akademskom titulom i stručnim zvanjem bakalaureat/bachelor (180 ECTS bodova),
- e) da ima najmanje dvije godine radnog iskustva u struci,
- f) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije Bosne i Hercegovine", broj 70/08),
- g) da nije član više od jednog upravnog odbora ili nadzornog odbora,
- h) da nema privatni finansijski interes u javnoj ustanovi u čiji se upravni i nadzorni odbor imenuje,

- i) da nije na funkciji u političkoj stranci, u smislu člana 5. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", br. 12/03, 34/03 i 65/13),
- j) da nije u sukobu interesa u smislu Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, br. 35/22, 44/22 - Ispravka i 52/22 - Ispravka),
- k) da nije direktor javne ustanove.

V – Sadržaj prijave kandidata

Kandidat je dužan uz svojeručno potpisanu prijavu na Oglas, koja sadrži kraću biografiju, adresu i kontakt telefon, priložiti originalne dokumente ili ovjerene fotokopije dokumenata ne starije od šest (6) mjeseci, kao dokaz o ispunjavanju općih i posebnih uslova traženih Oglasom, i to:

- a) Izvod iz matične knjige rođenih,
- b) Izjava da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 (tri) godine prije dana objavljivanja upražnjene pozicije, potpisana i ovjerena od strane nadležnog organa,
- c) Izjava da se na njega ne odnosi član IX.1. Ustava Bosne i Hercegovine, potpisana i ovjerena od strane nadležnog organa,
- d) Uvjerenje o državljanstvu (ne starije od šest mjeseci),
- e) Diploma o završenom VII stepenu stručne spreme, odnosno završenom najmanje prvom ciklusu bolonjskog studija visokog obrazovanja u trajanju od najmanje tri studijske godine sa akademskom titulom i stručnim zvanjem bakalaureat/bachelor (180 ECTS bodova),
- f) Potvrda o radnom iskustvu u struci,
- g) Izjava da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije Bosne i Hercegovine", broj 70/08), potpisana i ovjerena od strane nadležnog organa,
- h) Izjava da nije član više od jednog upravnog odbora ili nadzornog odbora, potpisana i ovjerena od strane nadležnog organa,
- i) Izjava da nema privatni finansijski interes u javnoj ustanovi u čiji se upravni ili nadzorni odbor imenuje, potpisana i ovjerena od strane nadležnog organa,
- j) Izjava da nije na funkciji u političkoj stranci, u smislu člana 5. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", br. 12/03, 34/03 i 65/13), potpisana i ovjerena od strane nadležnog organa,
- k) Izjava da nije u sukobu interesa u smislu Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, br. 35/22, 44/22 - Ispravka i 52/22 - Ispravka), potpisana i ovjerena od strane nadležnog organa,
- l) Izjava da nije direktor javne ustanove, potpisana i ovjerena od strane nadležnog organa,
- m) Izjava da se lični podaci mogu obrađivati u skladu sa odredbama Zakona o zaštiti ličnih podataka ("Službeni glasnik Bosne i Hercegovine", broj 12/25), potpisana i ovjerena od strane nadležnog organa.

Kandidat **nije dužan** dostaviti uz prijavu uvjerenje da nije osuđivan za krivično djelo koje je nespojivo sa obavljanjem dužnosti člana upravnog odbora javne ustanove i uvjerenje da nije osuđivan za prekršaj koji je nespojiv sa obavljanjem dužnosti člana upravnog odbora javne ustanove.

Ova uvjerenja će se pribaviti u skladu sa Odlukom o standardima i kriterijima za imenovanje na poziciju predsjednika i članova upravnog odbora i predsjednika i članova nadzornog odbora ustanova iz oblasti rada, socijalne politike, raseljenih lica i izbjeglica.



VI – Postupak izbora i rok

Svi kandidati koji budu stavljeni na Listu sa užim izborom najboljih kandidata koji ispunjavaju kriterije za imenovanje biće pozvani na intervju pred Komisijom za izbor koju imenuje Vlada Kantona Sarajevo (u daljem tekstu: Komisija za izbor). Prije intervjuja kandidati su dužni dati podatke o ranijim neposrednim rukovodiocima, od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja. Obrasci će se popuniti neposredno prilikom intervjuja.

Nijedan kandidat neće biti stavljen na Listu užeg izbora ukoliko nije povoljno ocijenjen prema kriterijima za imenovanje.

Sve informacije u toku postupka kandidovanja su transparentne, osim ako informacije o podnosiocima prijava nisu povjerljive u smislu Zakona o zaštiti ličnih podataka Bosne i Hercegovine (“Službeni glasnik Bosne i Hercegovine”, broj 12/25).

Kandidate koje, nakon intervjuja, predloži Komisija za izbor, smatrat će se da su najuspješniji prošli otvorenu konkurenciju.

Vlada Kantona Sarajevo osigurat će da se izvrši i javno objavi konačno imenovanje.

VII – Prigovor

Na konačno imenovanje može se podnijeti prigovor, ako postoje dokazi da u procesu imenovanja nisu ispoštovani principi ili postupci utvrđeni Zakonom o ministarskim, vladinim i drugim imenovanjima Federacije Bosne i Hercegovine (“Službene novine Federacije Bosne i Hercegovine”, br. 12/03, 34/03 i 65/13).

Prigovor se podnosi ministrici za rad, socijalnu politiku, raseljena lica i izbjeglice Kantona Sarajevo, a kopija se dostavlja Ombudsmenu za ljudska prava Bosne i Hercegovine.

VIII – Objava, rok za prijavu

Oglas će biti objavljen na web stranici Ministarstva za rad, socijalnu politiku, raseljena lica i izbjeglice Kantona Sarajevo, u dnevnom listu “Dnevni avaz” i “Službenim novinama Federacije Bosne i Hercegovine”.

Rok za dostavu prijava je **15 (petnaest) dana** od dana posljednjeg javnog objavljivanja ovog oglasa.

IX - Adresa

Prijavu sa traženim dokumentima dostaviti lično na protokol Kantona Sarajevo ili poštom preporučeno na adresu:

Ministarstvo za rad, socijalnu politiku, raseljena lica i izbjeglice Kantona Sarajevo

Komisija za izbor

ulica Reisa Džemaludina Čauševića br. 1

71 000 Sarajevo,

sa naznakom na koverti:

“Prijava na Oglas za imenovanje članova upravnog odbora javnih ustanova iz oblasti rada, socijalne politike, raseljenih lica i izbjeglica Kantona Sarajevo- NE OTVARATI.”

Na poledini koverta potrebno je napisati ime i prezime i adresu stanovanja. Neblagovremene i nepotpune prijave neće se uzeti u razmatranje.

Elna Latic Pecenković



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba